

08 IANUARIE
RUGACIUNEA
SF.PREOT-MUCENIC
ISIDOR DERPTSKI SI 72 MUCENICI
DE LA IURIEV

МОЛИТВА

О, всечестный отче Исидоре, земли Российския
свещильниче, Церкви Православныя
многоценное украшение, воззри с небеси очами
пресветлыми во глубину сердец наших и озари
наши темныя души лучем огненным веры твоея
и пробуди к покаянию нашу совесть нечистую.
Ты некогда брошен бысть в пучину водную и во
одеждах священства потоплен в ней, ныне
протяни руку помощи нам, во одежде страстей в
пучине грехов утопающим, и помози нам во
Христа крестившимся во Христа облекшись, яви
нам недостойным силу душевную и твою
крепость сердечную, дабы мы возмогли на ню,
яко на трость оперетися и от падений греховных
нашу немощь великую сею тростию отгнати. Ты
привел еси с собою за Веру Православную сонм

мученик святых, научи и нас ко Христу люди привлекати, а не соблазнять их скверною нашею. И якоже быстрины речныя изнесоша на сушу телеса ваша, идеже яко святые мощи обретшася, тако молитесь и о нас, мученицы святии, да изнесет Господь наши души и телеса из пучины греха на сушу праведности и да обрящет нас тамо в покаянии и вере скончавшихся.

Глаголет бо Соломон премудрый, в день памяти вашей чтенный: «Аще людие пред лицем человеческим муку примут, упование их безсмертия исполнено».

Укрепи и в нас, Исидоре преблаженне, сию надежду безсмертия, да не угаснет светильник веры нашея, погашенный от дуновения диавола. Благослови нас, отче святой, крепкий верою, не ослабший надеждою и любовью к людем горящий, благослови нас святым осенением во имя Пресвятыя Троицы: Отца и Сына и Святаго Духа. Аминь.